



Na osnovu člana 15. Zakona o principima lokalne samouprave u federaciji Bosne i hercegovine („Službene novine Federacije BiH“, broj: 46/06 i 51/09) člana 25. Statuta Općine Centar – Prečišćeni tekst („Službene novine Kantona Sarajevo“, broj: 23/4) i člana 8. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, br: 6/26 i 10/26), Općinski načelnik raspisuje:

JAVNI POZIV NEVLADINIM ORGANIZACIJAMA ZA PREDLAGANJE KANDIDATA/KINJE ČLANA/ICE KOMISIJE ZA OCJENU I ODABIR PROJEKATA PO LOD METODOLOGIJI

Pozivaju se nevladine organizacije/organizacije civilnog društva sa područja Općine Centar Sarajevo da dostave prijedlog kandidata/kinje koji/a će biti imenovan/a za člana/icu Komisije za ocjenu i odabir projekata nevladinih organizacija po LOD metodologiji, a na osnovu Javnog poziva nevladinim organizacijama za predaju projekata koji će biti finansirani iz Budžeta Općine Centar u 2026. godini, objavljenog na web stranici Općine dana 06.04.2026. godine.

Nevladina organizacija dužna je dostaviti sljedeću dokumentaciju:

1. Ovjerenu kopiju Rješenja o registraciji;
2. Ime i prezime predloženog kandidata/kinje;
3. Dokaz o iskustvu kandidata/kinje sa akcentom na iskustvo u civilnom sektoru (CV, certifikati, ugovori o angažmanu na poslovima u ocjenjivanju projekata i drugi relevantni dokumenti);
4. Kontakt telefon organizacije i predloženog kandidata/kinje.

Prednost prilikom odabira člana/ice Komisije će imati organizacija koja ima iskustvo u implementaciji projekata iz oblasti djelovanja utvrđenih Javnim pozivom.

Odabir kandidata/kinje će izvršiti nadležna Služba za obrazovanje, društvene djelatnosti, kulturu i sport, te će organizacijama koji su dostavili prijedloge, dostaviti obavijest o izvršenom odabiru.

Odabrani kandidat/kinja će prije razmatranja dostavljenih aplikacija po Javnom pozivu potpisati izjavu o sukobu interesa koja uključuje da član komisije:

- a) Nije učestvovao/la u razvoju nijednog projekta koji će razmatrati Komisija za ocjenu projekata,
- b) Projekti nisu povezani sa interesima (ličnim, finansijskim ili nekim drugim),
- c) Projekti nisu povezani sa interesima (ličnim, finansijskim ili nekim drugim) bilo koje organizacije koju vodi, predstavlja ili savjetuje.

Prijedlozi kandidata/kinje za imenovanje u Komisiju za ocjenu i odabir projekata nevladinih organizacija po LOD metodologiji sa pratećom dokumentacijom, mogu se dostaviti najkasnije do **22.04.2026. godine**, u zatvorenoj koverti, u jednom primjerku, putem protokola Općine Centar Sarajevo svakim radnim danom od 08 do 16 sati ili u zatvorenoj koverti preporučenom poštom sa naznakom „Za Javni poziv – Prijedlog kandidata/kinje za projekte NVO“, na adresu:

Općina Centar Sarajevo
Ul. Mis Irbina 1
71 000 Sarajevo
Bosna i Hercegovina

Nepotpune i neblagovremene aplikacije neće se razmatrati.

